

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - خلاصة حكم المحدث : صحيح

هنتوكل على الله ونبتدأ النهاردا إن شاء الله ال respiration

أول ورقة عندك في ال diagram وأول أربع سطور

اكتبلي عليهم قراءة عابرة

هنعديها بسرعة أول أربع سطور

عملية التنفس أربع أحداث رئيسية ، قسم التنفس متقسم عندك إلى 4 events :

كلام شكله حلو ، بس مش للإمتحان

دا كلام هنعديه بسرعة

يقولك : أول خطوة في قسم التنفس ،، حاجة اسمها Pulmonary ventilation

كلمة ventilation يعني تهوية

(إنت عارف الشفاط الي بيبقا عندنا في المطبخ ،، يسموه ventilator)

عبارة عن إيه عملية تهوية الرئة دي ؟؟؟

نفترض إن دي ال Lung ،، ويبدخل جوا الرئتين الي بنسميه بالعربي شهيق أو Inspiration

بعد كده الهواء بيخرج من صدرك على بره ،، بيق اسمها expiration

مش كل مرة هنقعد نترجم

(معلش أنا جايز بكتب كل حاجة الدكتور هيقولها ،، عشان إن شاء الله لو دكتور أو دكتورة في أولى قرأ الكلام ده

فمعلش الي عارف الكلام ده ميزعلش من التطويل ،، ويعرف إن ممكن أخ صغير ليه يقرأ الكلام ده وميكونش عارف)

• يبقا شهيق اسمه inspiration

• خروج الهواء اسمه زفير expiration

تاني حاجة يا أولاد بتحصل في الجهاز التنفسي بتاعنا ،، إن ما بين ال lung وبين ال blood بيحصل عملية اسمها gas exchange

تبادل الغازات ،، دا كلام ابتدائي

ال Lung بتدي oxygen للدم ،، والدم بيدي ال Lung بدالها CO2

مش الكلام ده بتاع ابتدائي ؟؟؟!!!!

إن الرئة بتدي الدم الأوكسجين وتأخذ منه CO2

الدم يا أولاد بتاعنا ،، بيبقا شايل الأوكسجين وثاني أوكسيد الكربون عادي خالص

VISIT...

LANZAROTE
Caliente.COM

رايح بال oxygen لل tissues وجايب ال CO2 من عند ال tissues

يبقا الدم بيقدر يشيل الأثنين
ودا تالت واحدة في الخطوات

فيه عملية gas exchange بتحصل مرة ثانية ، بس المرة دي ، جوا أوووي

ما بين ال الدم ، وما بين ال tissue

الدم بيدي لل tissue أوكسجين ، وبيأخذ منه ثاني أوكسيد الكربون

الطالب الي سمعني كويس في الأربع خطوات الي قولتهم
هياحظ إن عملية تبادل الغازات حصلت مرتين :

- مرة ما بين ال lung وال blood

- ومرة ما بين ال blood وال tissue

عشان متلخبطش ،

الجماعة العلماء قالوا نسمي دا حاجة ودا حاجة

مكتوب عندك جنب همة اثنين : عملية تبادل الغازات ما بين ال lung وال الدم ، هنسميها external respiration

وبيقا على نفس الوزن ال gas exchange الي حصل جوا بقا ، ما بين ال blood وال tissues نسميه internal respiration

كلام شفوي حلو ،

بس مش للإمتحان

عمره ما هيجي في الإمتحان آخر السنة يقولك : قولي الأربع events بتوع التنفس

عارف ليه ؟؟؟

عشان الأربع عناوين دول هما ال Index بتاعنا

هما الفهرس بتاع كتاب ال respiration

الي عايز يعرف إحنا هندرس إيه في الكتاب ده ، في الترمين ، هندرس الأربع عناوين دول

عمرك سمعت عن إمتحان جابوا سؤال في الفهرس ؟؟؟!!!

محصلش ، الكلام ده قراءة عابرة

تعالوا بقا ، نبتدي بدري بدري في الحاجات الجامدة

سؤال نظري مهم

Non respiratory function of the lung

لو جيت أي واحد ماشي في الشارع ، قولته ال lung دي بتاعت إيه ؟؟؟ الرئتين ؟؟

هيقولك : بتاعت التنفس

إحنا بقا بنجيبلكم السؤال ،

إيه الوظائف الأخرى لل Lung غير التنفس ؟؟

في الشفوي فيه ناس بتبقا متوترة ، ومش مركزة مع الممتحن (ودا وحش أوووي)

واحد سهران طول الليل ، وداخل شفوي ثاني يوم

أوحش حاجة دي

تلاقي الممتحن يقعدك قصاده في الشفوي ،

يقولك : **قولي يا ابني** ، ال **Non respiratory function of the lung** ؟؟؟

الطالب مش مركز ،

تلاقيه أول حاجة يقوله :

Respiration

طبعاً ، دا هيديله كلمتين في عضمه يربكوه ، فيفوق كده ويبقا مصححله

ست وظائف لل Lung غير التنفس ☺

دا سؤال مهم خلي بالك ،

واضح إن أول وظيفتين مع بعض ، والثالثة والرابعة دخلتهم جوا مع بعض ، وخمسة وستة أنا خرجتهم بره ثاني

كل اتنين مع بعض

أول وظيفتين لل Lung يا أولاد ، اكتبولي جنبهم ، blood pressure (arterial blood pressure) ضغط الدم

أول وظيفتين للنفس ليهم علاقة بتطبيق ضغط الدم

Arterial blood pressure

إن شاء الله النهاردا قبل ما نمشي ،

هقولكم إزاي ؟؟ إن النفس بتاعنا بيساعد على إن الدم يتحرك من رجلك ناحية ال Heart

إن شاء الله هنعرف النهاردا إزاي حصلت دي قبل ما نمشي

إنت عارف الدم ده ، اللي بيتحرك من رجلك ، من ال veins بتاعت رجلك لل Heart

اسمها **venous return**

يبقا إحنا فهمنا يعني إيه **venous return** (الدم العائد للقلب)

تصور إن دي مهمة جداً عشان ضغط دمك بيبقا مضبوط

إزاي ؟؟؟

إنت عارف لو مفيش دم كفاية بيرجع لل Heart

ال heart ده مضخة ، زي ما الدكتور ماجد علمنا

لو مفيش دم راجع للقلب ، بيبقا مفيش دم خارج من القلب (هيجيب منين يعني ؟؟؟ !!!)

فلما يكون مفيش دم كفاية خارج من القلب ، هتلاقي ضغط الدم وطي جداً في الأوعية

يبقا النفس ، بوظيفته دي ، بيضبطلك الضغط

أصله بيساعد على مين بيرجع للقلب ؟؟ اسمه إيه اللي بيرجع للقلب ده ؟؟

ال **venous return**

طيب ،

ووظيفة ثانية ليها علاقة بالضغط ،

فيه مادة هنحكي عليها بالكامل في التيرم الثاني ، فيه معانا تيرم ثاني وبقوة

مادة مهمة أوووي تضبطلك ضغط دمك ، اسمها نورماندي **two**

سمعت عن نورماندي two ؟؟؟ وقت الفيلم بتاع نورماندي two ؟؟ كان اسمه إيه الفيلم ؟؟؟

حميدو

لا مش حميدو ، دا خطأ شائع ، كان اسمه ابن حميدو ☺ دا فيلم ثاني

المهم إن فيه مادة عندنا في الدم ، اسمها **angiotensin two**

دي عاملة زي نورماندي تو

هنعلمكم في التيرم الثاني إن شاء الله ، إن المادة دي بتعليك الضغط وكل حاجة فيها اتنين

اسمها نورماندي تو ،، angiotensin two
الجماعة الي غاويين ترجمة ،، angiotensin
ال in يعني إيه علطول ؟؟؟

بروتين

Angio يعني blood vessel (وعاء دموي)

Tens يعني ترفع الضغط

أظن إن اسمها فضيحة ،، البروتين الي بيرفع الضغط في الأوعية
دا مرة اتنين هو

يبقا اسمها إيه على بعضها ؟؟؟

Angiotensin two

إنت عارف نورماندي تو دي ،، angiotensin two الي ترفع الضغط ،، بتبقا جاية من مادة قبلها
(بص على الوظيفة ماشية إزاي)
اسمها angiotensin one

الي بيعمل خطوة تحويل angiotensin one إلى angiotensin two ،، إنزيم طالع من ال Lung
مكتوب عندك إختصاره إيه ؟؟؟
ACE

اكتب معايا يا ابني ،، اسمه angiotensin converting enzyme (دا طالع من ال Lung)
Converting يعني بيحول

Angiotensin converting enzyme

أي جملة صعبة ،، بنأخذها من الإخر للأول ،، يبقا دا إنزيم الي بيحول ال angiotensin من One إلى two

دا يا أولاد ،، ال Lung هي الي بتطلع الإنزيم ده
أقولكم حاجة ،،

إن شاء الله لما تروحوا أمراض الباطنة سنة خامسة أو ستة ،،

هيعملوك إن فيه أدوية مهمة جداً ،، بنوطي بيها ضغط الناس الي عندهم ضغط دم عالي

عائلة كده من الأدوية اسمها ACE inhibitor

ACE الي هو مين ؟؟؟

ال angiotensin converting enzyme

الناس الي فاهمة

تفتكر لما أدوي يوقف الإنزيم ده بتاع ال Lung ،، يبقا مين مش هيتصنع ؟؟

Angiotensin two الي بيعلى الضغط

يقوم العيان ضغطه يوطى

دا أحد أهم الأدوية النهاردا الي بنستخدمها مع العيانيين بتوع ال Hypertension

إن إحنا نديهم ال ACE inhibitor

دا مشهور جداً

حد حفظ ده ؟؟؟

يبقا أول وظيفتين لل Lung غير التنفس ،، ليهم علاقة بالضغط

- النفس يرجع ال venous return
- ومهم في تصنيع نورماندي two « مين النورماندي تو ؟؟؟ ال angiotensin two عن طريق إن ال Lung « هي الي بتطلع الإنزيم بتاع التحويلة اسمه إيه الإنزيم ؟؟ angiotensin converting enzyme

الوظيفة الثالثة والرابعة « يتحفظوا مع بعض « regulation مع regulation « الثالثة مع الرابعة بيقولك :

النفس مهم في تنظيم acid base balance
عارف الي هو مين ؟؟؟

ال PH

اكتبولي فوقيه ال PH

هي ال Normal PH كام ؟؟؟

7.4

سبعة وأربعة من عشرة

سبحان الله «

صدق أو لا تصدق « تصور إن العيان الي عنده حموضة في دمه

الحموضة دي اسمها acidosis

تصور إن العيان الي عنده حموضة في دمه acidosis « ربنا خلى الحموضة تسرع النَّفَس بتاع العيان

العيان بتاع الحموضة بيقا نَفْسُهُ سريع (إيموشن واحد بينهج)

ابتدى يطرد من جسمه CO2 كتير

وال CO2 ده حمض

إن شاء الله في التيرم الثاني « هعلمهالك « في ال respiration بردو

إن ال CO2 ده لما بيدوب في مية الدم

ال CO2 مع المية « بيدي carbonic acid

ال CO2 دا حمض

افهم الي بقوله «

بيقا العيان الي عنده حموضة « مشكلته حموضة « نفسه زاد

طرد الحمض على بره « الي هو CO2

ال PH تتظبط

سبحان الله

أقولها لكم بالعكس «

الي عنده قلوية في دمه

اسمها إيه قلوية ؟؟؟

Alkalosis

ربنا خلى القلوية تكتم النفس « توقفه

ال PH تتظط

مش إنت اللي عالجتة ،، دا ربنا هو اللي خففه
عشان كده طول عمرنا نقول جملة ،، الله الشافي ،، والطبيب يأخذ الأجر
إنت بتأخذ أجرتك في الآخر ،، بس ربنا هو اللي شفاهولك في الأول

التخلص من ال CO2

هاااااااااااا

يبقا الى عنده حموضة نفسه يزيد ولا يقل؟؟؟

یزید

أنا كده متأكد ،، إن محدش هينساها مدى الحياة
 إنت كده فاهم المعلومة ماشية إزاي ،، الحموضة تسرع النَّفس

ال regulation الى بعدها،

النفس مهم في تنظيم امية بتاعت الجسم

ال H2O والحرارة

هو النَّفْس فيه مِية ؟؟؟

طبعاً، طبعاً

هات مراية (لوح زجاج) أنفخ فيها

هتلاقى فيه بخار مية طلع على الإزاز

فيه مية يا أولاد بتتبخر عندكم من جوار الرئتين ، طول ما أنتم قاعدين دلوقتي

بتخرج مع النفس وإنت مش شايفها

أقولك حاجة،

القصة دي مهمة جداً في جو الحر

إحنا في الجو الحر، لما تبقا الدنيا حر، تلاقي الواحد منا بقا نفسه زيادة شوية

سرّيع شوية ،،

حتى يقولك : دا فلان ده كان ماشي في الشارع في الشمس شوية ، وصل البيت

يبلهت من الحر

إنت عارف النفس لما يسرع مع الحر،

الحرارة الزيادة بتاعت جسمك مع بخار امية تطلعها بره

يقوم حرارتك جوا تهدي

عارفين مين من ال animals مشهورين بحكاية الله دي ؟؟؟

الكلب ،

الكلب معندوش sweat glands ، ميعرقش

وسيلته الوحيدة ، في تنظيم حرارته في الحر ، إنه يلهث

تلاقي ببيخر

لُعابه المية اللي جوا الرئتين

يبقا النَّفس ده مهم ،

في تنظيم المية والحرارة

حد حفظ ال regulation مع ال regulation ؟؟

كل واحدة ليها خلفية PH

الكتاب بتاعنا مكتبهاش PH ، كاتبها acid base balance

كمان بينظم المية والحرارة ، ال H2O وال heat

خامس وظيفة للجهاز التنفسي ، غير النَّفس ، الكلام (vocalization) يعني الكلام

إن شاء الله هعلمكم الكلام ده في التيرم الثاني في ال respiration

إنت عارف إن الكلام ده ،

اللي سعادتك سامعه مني ، عارفين الكلام ده عبارة عن إيه ؟؟

عبارة عن voluntary ، يعني إرادي

Controlled respiration

تحكم إرادي في النَّفس

ما هو أنا ممكن أقووووووووووول الكلمة (أطول نفسي أوووي)

أنا بتحكم فيه

وممكن أقصرها ، وفي الآخر أحبال صوتية كده ، بتتهز في زورك

الكلام ده عبارة عن تحكم إرادي في النفس

وتسمع يقولك إيه :

المغنى ده نَفْس طووووووويل ،

شايف الناس فاهمة ، النفس ده هو اللي مسؤول عن الكلام ،

وتسمع يقولك : المغنيين كلهم الموجودين دول نفسهم مقطوع

يعني باينة ، النفس مهم في الكلام

Vocalization

تعال بقا لنمرة ستة ، وبيموتوا فيها في امتحان نص السنة في ال MCQ

إلا مرة ستة دي في ال MCQ في نص السنة

يقولك : ال Lung بتخلصك ، أو الجهاز التنفسي بيخلصك من التراب ، foreign particles اللي هي التراب

ال dust ، وال pathogens الميكروبات

التخلص من التراب والميكروبات

الأرقام تُحفظ صَم ،،

بيقولك :

لو أنت مكان قاعد فيه تراب ،، ما كل مكان فيه تراب
لو التراب اللي أنت شमितه جزيئاته أكبر من عشرة ميكرون
التراب هيعلق في مناخيك ،، هيلزق في المَخاط (ال Mucous بتاع مناخيك)
هيتلقط بدري ،،
مجرد ما يشم التراب ،، التراب هيلزق هنا ،، لو أكبر من 10 micron
الأرقام حفظ ،،
(لأن الإمتحان بييجي أسئلة على الأرقام)

طب نفترض التراب اللي أنا بِشْمُه ،، أقل من عشرة ميكرون
ساعتها ،، لأن التراب صغير ،، هيفلت من مناخيك
هيشخس جوا شوية ،،
هيعدي من مناخيك ،، يخشلك جوا ال Lung
يلزق في المَخاط بتاع ال Lung (Lung mucous)

طب وبعدين ،،

يا ترى بقا المَخاط اللي فيه تراب ،، ولا ميكروب جوا صدري ؟؟ يفضل مدفون جوا ؟؟
إحنا عندنا جوا الرئتين cilia (cilia يعني أهداب)

الأهداب دي بتعمل إيه ؟؟

ترق المَخاط بترابه ،، لفوق ،، سَنَة بِسَنَة ،، سَنَة بِسَنَة لفوق
لغاية ما يروح المخاط أبو تراب دا
في بؤك

تقوم تعمل إيه ؟؟

تبلعه

ولما تبلعه ،،

أصبح دلوقتي التراب أو الميكروب ،، في أول الطريق السريع بتاع القناة الهضمية ،،
كده هنطرده مع ال stool بره

بجيبوا جملة كده في ال MCQ

والله الطلبة بتتلخبط فيها

يقولك : تفتكر ال cilia بتحرك ال Mucous أبو تراب (Mucous بترابه) upward ولا downward ؟؟؟

فكرك يعني ،، ال cilia ربنا عاملها عشان تكملك التراب لغاية جوا يعني !!!!

أكيد ربنا عاملها عشان تطلع التراب لفوق

واللي كتبوا العلم ده

بيكتبوا بلغة بلادهم ،،

شَبُّهُوا حَتَّى المَخاط بيطلع لفوق سَنَة سَنَة ،، بالسلم الكهربى الموجود في مترو الأنفاق

وعمرؤ أفندي وفي المولات ،، اللي بيطلع لوحده

تقف عليه ويكمل لوحده ،
كل واحد يكتب بلغة بلده ، وإحنا بننقل منهم

طب ،
نفترض التراب أو الميكروب ، الحاجات الصغيرة الميكروبات بقا
عدى من المَخَاط بتاع مناخيري ، وعدى من المَخَاط بتاع ال Lung ودخل لغاية الحويصلات الهوائية جوا
اسمها إيه الحويصلات ؟؟؟
alveoli ال

هناك بقا يا أولاد ،
في ال alveoli فيه نوع من الكور البيضاء ،
عايش هناك months to years ، كان أول خط دفاعي في المناعة الموجودة
كان مين ؟؟؟
Tissue macrophages

مكتوب عندكم ،
لو الحاجات الصغيرة أووي اللي دخلت
alveolar macrophages ال هتلتهمها

حد حفظ الأرقام ؟؟؟
• فوق عشرة ميكرون ، التراب هيشبك في المَخَاط بتاع مناخيرك
• لو أقل من عشرة ميكرون ، التراب هيشبك في ال Lung mucous ، ويرفعه لفوق ال cilia ، شبه السلم الكهرباء
• لو صغيرة أوووي ، يخش جوا خالص ، ويأكلها جوا ال alveolar macrophages

كاتبك على الشمال ثمرة ستة ، اكتب كده سجائر (Smoking)
الجماعة اللي بيشرىوا سجائر
السجائر بتعطل عمل ال cilia ، وكمان بتوقفك ال alveolar macrophages

يبقا أي تراب ،
الجماعة المدخنين ، أي ميكروب بخشلهم على جوا ، بيفضل صاحي ونايلهم جوا
عشان كده تلاقي المدخن من دول بجيله كثير أوووي التهابات في صدره ، وكحة وبلغم وحاجات كتيرة
أصل التدخين ، الجماعة الـوَحْشِين اللي بيدخنوا
أدي إحنا بنقول : التدخين بيعطل عمل ال cilia ويموت ال macrophages

فيه طلبية ،
شافوا ست وظائف ، لزقت في دماغهم :
• أول وظيفتين كان ليهن علاقة بالضغط ، النَّفَس بيساعد ال venous return إنه يرجع القلب
• وال Lung بتطلع إنزيم مهم أوووي ، اسمه angiotensin converting enzyme
• و regulation مع regulation
• ال acid base balance مع ال regulation of H2O والحرارة
• الكلام (ال vocalization)

- لو التراب أكبر من عشرة ميكرون يلزق ال mucous بتاع المناخير
لو أقل من عشرة ميكرون ، يلزق في ال Lung mucous ، ويرفعه لفوق ال cilia ، وشبه السلم الكهربائي
لو صغيرة أووي ، تدخل في ال alveolar

تعال نهدي ، باقية الورقة MCQ

Air Passages

إيه ال passages ، سكة الهواء ، ده MCQ
بيقولك :

السكة اللي ماشي فيها الهواء جوا صدرك ، دي عاملة زي الشجرة
إنت عارف فروع الشجرة ، لو قعدت تأملتها كده من بدايتها
تلاقي الأول بدأت بفرعين ،
كل واحد من الأثنين يتقسم اتنين ،
كل واحد الصغيرين رجع اتقسم بدوره

سكة الهواء جوا صدرك ، ليها عشرين تفريعة من أول ال bronchi
عندك القصبة الهوائية اسمها ال trachea

بصوا يا أولاد ،
إنت عارف تفاحة آدم دي في الولاد ، حته من ال Larynx
الحنجرة بالعربي
تحتها القصبة الهوائية (ال trachea)
اللي هي بتتقسم إلى bronchi ، واحدة يمين تروح ال lung اليمين
وواحدة شمال ، تروح ال Lung الشمال

بالعربي bronchi يعني إيه ???
الشُعَب الهوائية

يقولك :
من أول ال bronchi لغاية ما نوصل للحويصلات الهوائية
مين الحويصلات ???
ال alveoli

الشجرة بتاعت ال air passages ، متقسمة عشرين مرة
والرقم مهم ،
يعني ال bronchus اتقسمت اتنين :
والاثنين كل واحدة اتقسمت اتنين
ونفضل نفرع فيها ، لغاية ال alveoli

متغشش من الورقة ، عشان أهم سؤال MCQ
تفتكر ال sympathetic (محمد علي كلاي)

كان يعمل broncho ؟؟؟

Dilatation « حلو

Alpha ولا beta بقا اللي على ال bronchi ؟؟؟ عشان يحصل broncho dilation ؟؟؟

Beta

مش دكتور ناجي علمهالك

ال bronchi توسع

طبيب « B1 ولا B2 بقا ؟؟؟

B2 «

أصل Beta one في حته واحدة « ال heart

الحب يأتي في المقدمة ☺

طبيب ال parasympathetic «

كان يخنق « يعمل broncho constriction

حد فاك «

مين من عائلة ال Para كان بيأخذ منطقة الصدر (ملعب مين ؟؟؟) ؟؟

ال vagus

أهم سؤال MCQ

ال alveoli « حويصلات فيها نوعين من الخلايا (خلايا ال alveoli نوعين)

حتى يسموا الخلايا بتاعتها pneumo (ال p « بتكون silent)

Pneumo يعني هواء (خلايا هوائية) (حط نقطة تحت ال P « عشان متضحكوش الناس عليكم في الشفوي « نخش بقا في بنيمو بقا

وحاجات « إنت حر « هيبهدلوك

يقولك : مكنتش بتحضر محاضرات بقا

اسمها : نيمو (Pneumo) ال P بتكون silent

Pneumo يعني هواء

خلايا ال alveoli نوعين :

- المسؤول عن تبادل الغازات مع الدم (gas exchange مع الدم) (اللي بتبعت أوكسجين وبتأخذ CO2) اسمها type one

- النوع الثاني يا أولاد من خلايا ال alveoli « إن شاء الله هنأخذه الحصة الجاية « ده بيطلع مادة ال surfactant

إيه بقا ال surfactant وبتاع إيه ؟؟؟ وإيه تركيبه ؟؟ وإيه وظائفه ؟؟ دا العرض القادم إن شاء الله

مش النهاردا

المهم «

إن خلايا ال alveoli نوعين :

- Type one

- Type two

اللي يطلع surfactant ؟؟؟

Type two (على الله تنساها الحصة الجاية)

اقلب الصفحة و MCQ ،، لسه بنسخن بنسخن

تعال نتفرج على ال air passages
سكة الهواء دي ،، اللي من أول ال bronchus لغاية ال alveoli
السكة اتقسمت كام مرة ؟؟؟
عشرين مرة

إحنا بادئين يا أولاد من عند ال trachea
ال trachea ،، إحنا اتفقنا إنها بتنقسم إلى ال bronchi
واحدة يمين وواحدة شمال
الحتة دي بييجي فيها MCQ خلي بالك

ال bronchi يا أولاد ،،
ال bronchus بتتنقسم إلى حاجات أضيق ،، وبعدين حاجات أضيق تاني
كل دول اسمهم bronchi ،، Primary و secondary و tertiary
يبقا ال Primary bronchus ،، دي الأولانية
بتتنقسم إلى حاجات أضيق اسمها ال secondary
وتتنقسم إلى حاجات تالته اسمها ال tertiary
كل دول اسمهم bronchi

يبقا فيه :

- Primary bronchi
- Secondary bronchi
- Tertiary bronchi

الجماعة العلماء سمو ال trachea ،، وال bronchi بأجزائها الثلاثة ،، النص اللي على يمين الورقة عندك
الحتة دي اسمها conducting zone
Conduct يعني يوصل (دي بتاعت توصيل الهواء للداخل) conducting zone
اللي بيدخل الهواء على جوا

بصوا يا أولاد ،،
فيه جزئين في ال air passages :
• ال trachea
• ال bronchi

احفظ معايا ال C مع ال C
ال Conducting zone بحرف ال C مليانة Cartilages (غضاريف عشان متتقلش)
عشان متتطبقش سكة الهواء
ال C مع ال C

يبقا بداية سكة الهواء ،، الحتة اللي بتدخلك الهواء على جوا

اسمها ال conducting zone

Conduct بتوصل حاجة بحاجة

دي عبارة عن جزئين :

- Trachea
- Bronchi

ال conducting بحرف ال C ،، يبقى ليها cartilage ولا ملهاش ؟؟؟

ليها cartilage

نكمل ،،

ال bronchi بعد كده بتتقسم إلى حاجات أضيق اسمها bronchioles

اللي هي بالعربي (شُعَبَات هوائية)

حلوة اللغة العربية (شُعَب ،، تصغيرها شُعَبَات) عشان إن شاء الله اللي يقعد منكم في برامج تلفزيونية كده لما يخلص

والمستمعين يكلموه ،، والمشاهدين

هو يرد عليهم : يبقى فاهم اللغة العربية

الشُعَب : اسمها ال bronchi

الشُعَبَات : الأصغر ال bronchioles

بيقولك : ال bronchioles بقا ،، بتدي حاجة اسمها alveolar duct

وال alveolar duct دي اللي بتنتهي بالحوصلات

مين الحوصلات ؟؟

ال alveoli

الحتة دي يا أولاد ،،

اللي هي ال bronchioles وال alveolar duct اللي طالعة منها ،، وال alveoli

يمسوها هي دي الحتة بتاعت التنفس

هي دي اللي فيها الحوصلات (مكان تبادل الغازات)

يسموها respiratory zone

يبقا لما يجيلكم سؤال MCQ في نص السنة ،،

ال respiratory zone تلت حتت في ال air passages ،، اللي هما مين ؟؟

• ال bronchiole

• ال alveolar duct

• ال alveoli

ودي مفيهاش cartilage

اللي فيها ال cartilage ،، هي ال conducting

دي مفيهاش ،،

دي بتنتهي بال alveoli ،، مكتوب عندكم ،،

يبقا دي المسئولة عن ال gas exchange

فيه تلت أرقام عن ال alveoli يتحفظوا صم ، صم
عن ال alveoli

صدق أولا تصدق ،

إن عدد ال alveoli في الرئتين بتوعك ، 300 مليون alveolus

300 مليون !!!!

لا والأغرب ،

إحنا لو خدنا ال alveoli من صدرك ، حطيناهم جنب بعض على الأرض ، مش فوق بعض

جنب بعض ، يغطوا ملعب تنس

مكتوب عندك مساحتهم 100 متر مربع

صحيح ، أد الفيل ويتلم في منديل

دي ال alveoli

300 مليون ويغطوا ملعب تنس

أنا كاتب ملعب تنس بالعربي

ومع ذلك يا أخي ربنا ، حاططهم فوق بعض ، جوا القفص الصدري

مفيش أي مشكلة عندي

يبقا حفظنا رقمين ،

عددهم كام ؟؟؟

300 مليون alveoli

مساحتهم ؟؟

100 متر مربع

تفتكروا يا أولاد الحتة الي ما بين ال alveolus والدم ، عشان ال gases تَعْدِي سهلة

من هنا لهننا ، ومن هنا لهننا

المفروض الحتة دي بتاعت ال gas exchange تبقا thin ولا thick ؟؟؟

Thin

مش كده ولا إيه ؟؟؟

كلنا بنتمني من ربنا ،

إنه يخلينا الحتة دي ، بتاعت تبادل الغازات تبقا thin

بس مكناش نعرف إنه عملها لنا thin كده

إنت عارف الحتة دي تخنها أد إيه ؟؟؟

خُمس ميكرون (1/5 micron) (0.2 micron)

هو رقم الأهم بالورقة الي قصادك

طبعاً بيلخبطوك في امتحان نص السنة ،
يجيبولك : هي اثنين ميكرون ؟؟؟ تبقا الإجابة خطأ
هي 0.2 (خُمس ميكرون) رفيعة أوووي

حد حفظ الأرقام ،
عدد ال alveoli كام في الرئتين ؟؟؟
300 مليون
مساحتهم ؟؟؟
100 متر مربع
وال thickness بتاع ال alveoli ؟؟
0.2 ميكرون

رزالة ال respiration في الأرقام ، هي مشلكتنا بقا أرقام
الحتة دي يا أولاد ،
اسمها respiratory zone

قولها لي آخر مرة ،
تتركب من تلت حتت :
• ال bronchiole
• ال alveolar duct
• ال alveoli
هي دي بتاعت ال gas exchange

فيها cartilage ؟؟؟
لا
أومال مين الي فيه cartilage ؟؟
ال conducting zone

الي هي مين ؟؟
• ال trachea
• ال bronchi

أقولكم حاجة ،
هي ال conducting zone فيها alveoli ؟؟؟
لا ،
دي ملهاش علاقة خالص بتبادل الغازات ، مكتوب عندك آخر سطر فيها ، No alveoli
يبقا No exchange

الجماعة العلماء ، فهموا ال conducting zone إزاي ؟؟؟
قالوا إيه ؟؟؟
قالوا : الهواء الي سعادتك بتأخذه وأنت بتستنشق كده من الجو ، حبة منه بيقدوا في ال trachea وال bronchi

حَبّة الهواء دول من نَفَسَك ،،

هل يحصل معاهم gas exchange ؟؟؟

لا ،،

فقالوا نَسَمِيهِم الحجم الميت ،، وده العنوان اللي ما بين قوسين فوق " Dead space "

إن شاء الله الحصة الثالثة في ال respiration ودي معنا في التيرم الأولاني ،، لما نوصلها هنستريح إن شاء الله
هحكي لكم كل حاجة عن الحجم الميت وده بتاع إيه ؟؟ وإزاي اتعمل ؟؟؟ وأنواعه ؟؟ وإزاي نقيسه ؟؟ كل حاجة عنه هحكيها لكم إن شاء الله

المهم دلوقتي ،،

إحنا عايزين نأخذ فكرة كده ،،

أومال ال conducting zone دي بيني وبينك يعني ،، مش بتاعت ال gas exchange ،،

أومال بتاعت إيه ؟؟؟

فيه عندك تلت وظائف على يمين الورقة مكتوبين بخط رفيع كده

بيقولك : ال conducting zone دي ،، كل بلد ليها وظيفة

إزاي ؟؟؟

بيقولك مثلاً ،، لو أنت عايش في كندا ،، درجة الحرارة بتوصل أحياناً في الشتاء إلى Minus 30

(ثلاثين تحت الصفر) دا في الحت الدافية ،،

في الحت الساقعة أكثر من كده

المهم إنها سالب ثلاثين ،،

أنا عايزك تتخيل الجماعة اللي عايشين في كندا ،، لو الهواء الساقع بيخش من المناخير مباشرة على ال alveoli

كان عمل freezing لل blood اللي جنبها

لكن ،،

الحمد لله رب العالمين ،،

الهواء الساقع ده بتاع كندا ،، الأول بيعدي على ال conducting zone ،، يدفيه

يخش كويس على جوا

مكتوب عندك أول وظيفة ،، warming

أكتبلي جنب warming ،، كندا

يبقا دي وظيفة ال conducting zone ،، في كندا

طيب ،،

لو أنت عايش في الكويت وفي درجة صيف ،، بتصل درجة الحرارة ،، إلى أعلى من خمسين درجة مئوية في الضل

طبعاً بلدان العالم كلها اللي في الحر ،، ميقولوش أبداً إن الحرارة خمسين بالأرقام

يقولوا 47 ،، 48 ،، ليه ؟؟؟

أصل قوانين العمل الدولية في العالم يا أولاد ،، بتقول لو درجة الحرارة تخطت الخمسين ،،

العمل يقف ،، الناس تقعد في بيوتها ،،

هما بيعملوا إيه ؟؟؟

يعملوا تكييف في كل الأماكن ،، بس الحرارة فعلاً عالي شوية

أنا عايزك تتخيل ،، الجماعة اللي عايشين في الكويت ،، في الصيف وفي الحر

الهواء السَّخُنْ ده دخل مباشرةً على ال alveoli من غير ال conducting zone ، يقوم يحرقها لكن ،

كونه إنه بيعدي (الهواء السَّخُنْ على ال conducting zone) ترطبه مكتوب عندك كلمة ترطبه humidifying ، اكتب جنبها الكويت

أما لو أنت عايش في مصرنا الحبيبة ☺

حيث التراب والغبار في كل مكان

ال conducting zone يشيل التراب

مكتوب عندك يعني الوظيفة الثالثة إنه يشيل التراب واكتب جنبها مصر

يبقا أسألکم دلوقتي بقا أسئلة سريعة ،،

ال conducting zone تركيبها مين ومين ؟؟؟

• ال trachea

• ال bronchi

ال bronchi تلت أنواع مين ومين ومين ؟؟؟

مين الي عنده ال cartilage ؟؟؟

عدد ال alveoli كام ؟؟؟

مساحتها ؟؟

ال thickness ؟؟؟

مين الي عنده ال alveoli فيبقا عنده ال gas exchange ؟؟؟ ال conducting ولا ال respiratory ؟؟؟

وظيفة ال conducting في كندا تعمل إيه ؟؟

وظيفة ال conducting في الكويت ؟؟؟

وظيفة ال conducting في مصر ؟؟

كل ده بنسخن لسه ،،

ال mechanism of respiration اكتبلي عليها نظري مهم

الهواء الي إحنا بنأخذه من الجو ده 500 ملي إن شاء الله هنقله الحصة الي جاية

فيه حبة منه ،، الي بنأخذه مع الشهيق ،، موجود في ال trachea وال bronchi بتاعي

هل دول معاهم ال gas exchange ؟؟؟

الجماعة العلماء أطلقوا على الهواء الي أنت بتأخذه في النفس ،، ومفيهمش ال gas exchange ،، حجم ميت

هو مش ميت ولا حاجة ،،

Mechanism of Respiration

ميكانيكية التنفس ،، نظري مهم

مجاش قبل كده ،،

عملية التنفس تلت أحداث رئيسية " يلا ابتدينا نخش في الجَدِّ بقا "

١. شهيق (اسمها Inspiration)

٢. زفير (خروج الهواء اسمها expiration)

٣. يعقبها فترة pause (توقف)

هي دي يا أولاد المكتوبة عندكم ال respiratory cycle
النفس بتاعنا بيمر بالتلاتة دول ،،

- بندخل هواء جوا صدرك Inspiration
- نخرجه expiration
- ثم فترة توقف

بصوا عليا عشان أوريكم التلاتة من غير ما اتكلم عشان تشوف فين التوقف ،،
إنت بتتنفس كده (إيموشن واحد بياخد نفس ،، وبعدين طلعه ،، وبعدين وقف)
فيه pause

بيسألوكم في الشفوي ،،

تفتكر إمتى ال Pause هتختفي؟؟

دا واحد بيجري ،،

دا سؤال شفوي ،، الي بيجري (إيموشن نفس داخل نفس خارج)
معدتش ال pause موجودة

اكتب يا جدع ،، ال pause disappear with exercise
سهلة دي ،،

دا واحد بينهج ،، مفيش pause بقا
مفيش وقت

لو مفهمتش أمثلة النهاردا وأنا بشرح ،، مش هتفهم حاجة
ركزوا دايماً في ال examples الي مش هتلاقوه مكتوب في المذكرة

أي بالونة يا أولاد ،،

إحنا بنبذل جهد وإحنا بننفخها يا أولاد ،،

عملية نفخ البالونة (إيموشن واحد بينفخ) هي دي العملية الي محتاجة منك جهد
عملية active

لكن ،،

بعد ما نفخنا البالونة ،، لو سبناها مفتوحة على الشارع من غير ما أربطها ،،
البالونة هتفضي لوحدها

البالونة بتفضي لوحدها ،، دي يعني passive

مش محتاجة مجهود مني

ولا إيه رأيكم في الي بقوله ده ؟؟؟

يبقا أي بالونة ،، إحنا بنبذل جهد وإحنا بننفخها بس

لكن ،،

البالونة بتفضي نفسها

صح ولا أنا غلطان !!!

ال lung بتاعتنا as if a balloon

زي البالونة بالظبط ،، ال lung بتاعتنا

إنت بتبذل جهد وأنت بتنفخها بس ،،

بتنفخها دي اسمها عملية **Inspiration**

لكن ،،

بعد ما بتدخل هواء جوا صدرك ،، الرئة دي بتفضي لوحدها زي البالونة

يبقا عملية خروج الهواء دي ،، مش محتاجة مجهود منك

افتكر البالونة ،،

اقرأ كده في المذكرة ،،

أنا كاتب ال inspiration دي عملية active

اكتب يا ابني ،، active دي تساوي ،، with muscle contraction ،، فيه عضلات بتشتغل عشان تنفخ الرئة

الكلام ده مهم ،،

هسألکم بعد شوية والناس هتتلخبط ،،

ال inspiration ،، with muscle contraction

الرئة تفضي الي جواها مكتوب عندك اسمها expiration ،،

مكتوب عندك العملية دي أخبارها إيه ؟؟؟

Passive

الرئة بتفضي لوحدها

اكتبلي passive تساوي ،، without muscle contraction

دا معنى كلمة passive (مفيش عضلات بتنقبض) without muscle contraction

يبقا مين يا أولاد العملية ال active اللي عندنا ؟؟ ال Inspiration ولا ال expiration ؟؟؟

ال inspiration

الي يلخبط في دي في الشفوي هيطرودوه

مش هيكمل الإمتحان ،،

دا عامل بالظبط زي بيسألوه ال autonomic ،، sympathetic ،، ☹️ ومين بيفكر !!!!

دي بالظبط زيها ،،

مين العملية ال active عندك ،، ال Inspiration ولا ال expiration ؟؟؟ ولا الأثنين ؟؟؟

ال Inspiration

عملية نفخ الرئة ،، inspiration

أنا حاططها عندك على الرسمة أربع خطوات ،، ومترقم عندكم واحد اتنين ثلاثة أربعة

على الشمال ،، ناحية الشمال ،، إيدك اللي مبتأكلش بيها

الأربع أحداث بتوع الشهيق أنا رتبهم بطريقة جميلة من الخارج للداخل

أقولك إزاي الهواء بيخس جوا صدرك ،، أربع أحداث هنوصفه من بره لجوا

بص عليا وبعد كده بص في الورقة

لكن ،

علمياً خطأ ،، المفروض الضغط سم المية لواحد = 1.33
واحد وثلاثة وثلاثين من مية ملي متر زئبق (Mercury)
الكتاب يا عم معقدهاش ،، مش هنعقدها أنا وأنت بقا ،،
يبقا دي تمشي مكان دي متزعلناش ،، خلاااa

تفتكر بالعقل ،،

الهواء طول عمره هيتحرك من الضغط الأعلى للضغط الأقل ،، من الضغط الأعلى للأقل
مين الضغط الأقل دلوقتي ،، ال chest ولا ال atmosphere اللي بره ؟؟؟
ال chest

يبقا تفتكروا ،، ال air ،، هيبقا in هيدخل ،، ولا هيبقا out هيخرج من صدرك ؟؟؟
هيبقا in (الهواء يدخل جوا ال Lung)
ودي آخر خطوة في عملية الشهيق

هقولهم ثاني :

- عملية ال Inspiration أربع أحداث ،، خدوهم من بره لجوا :
1. أول حاجة ،، ال dimension بتاع ال chest wall يحصله increase
 2. تقوم ال lung توسع اسمها distention
 3. أي حاجة بتوسع الضغط جواها بيقبل ،، يبقا Minus one
 4. يقوم الهواء يحصله In (يدخل جوا ال Lung)

اللي متابعيش كويس ،،
عندك فرصة ذهبية إنك تتابع نفس الأربع خطوات بس بالعكس ،،
موجود عندكم على إيدكم اليمين اللي بتأكلوا بيها ال expiration

عارف إزاي بيحصل expiration ؟؟؟
كل أبعاد الصدر بتقل ،، مكتوب عندكم علامة minus على ال chest wall
ال dimension بتقل ،،

خُش جوا شوية
تقوم ال lung تصغر ،،
تصغر اسمه recoil
خلي بالك من التعبير عشان خاطري

recoil بنستخدمها كثير ،،
recoil يعني بتصغر

هي حاجة يا أولاد بتصغر ،، يبقا الضغط جواها يحصله إيه ؟؟؟
يزيد
هيبقا زائد واحد

فهمتموا إنتوا اللعبة

يعني إيه زائد واحد؟؟؟

علامة زائد يعني أعلى من الضغط الجوي بمقدار واحد

تفتكر الهواء اللي طول عمره بيتحرك من الضغط الأعلى للضغط الأقل

من الأعلى للأقل ،، تفتكر الهواء

والضغط جوا صدرك دلوقتي هو اللي زائد (هو الأعلى) ،، **الهواء (air) هيبقا in ولا out؟؟**

Out

عايز أعلمكم حاجة وعايذكُم تكتبوها ،،

الضغط دا جوا ال lung يا أولاد ليه اسمين

يعني إحنا عندنا ال lung كدا ،، الضغط جوا ال Lung ،، اكتبوا معايا أساميهم :

- intra (اللي هو سالب واحد وموجب واحد) intra pulmonary pressure
- أو يسموه Intra alveolar ،، ما الرئة عبارة عن alveoli كتيرة من جوا

يبقا الضغط داخل الرئة ،، الضغط داخل ال alveoli هي هي

مش الرئة عبارة عن alveoli؟؟ يبقا الضغط داخل الرئة اعرفوا إن ليه اسمين ،،

- intra pulmonary
- أو يسموه اسم ثاني intra alveolar

ما pulmonary يعني رئة

و alveoli ،، اللي هي جوا الرئة

يبقا الضغط داخل الرئة يا أولاد وداخل ال alveoli هي هي

عمال أقولكم أبعاد الصدر بتزيد أبعاد الصدر بتقل

هي إيه ال dimension؟؟؟

فيه عندكم رسمة صندوق

الصندوق له ثلاثة أبعاد ،، طول وعرض وعمق

بص ☺ القفص الصدري عامل زي الصندوق

فين ال dimension بتاعت الصدر؟؟؟

إنت عندك فيه diameter بالعرض ،،، دا اسمه transverse diameter

فيه diameter بالطول ،، من فوق لتحت ،، اسمه longitudinal diameter

يبقا اللي بالعرض اسمه إيه؟؟؟

transverse diameter

واللي من فوق لتحت؟؟

longitudinal diameter

وفيه بقا من أدام لورا ،، في الجنب كده اسمه ،، antero posterior ،، أدى يا عم البعد الثالث أهو

أقولهم ثاني ،،

اللي بالعرض إسمه إيه ؟؟؟

transverse diameter

واللي بالطول ؟؟؟

longitudinal diameter

ومن أدام لورا ؟؟

antero posterior

dimension يبقا ليه ثلاثة

طيب ،،

عملية ال inspiration ،، بنستخدم فيها عضلتين

مش هي العملية active

كلكم كاتبين بخط إيديكم إن active تساوي muscle contraction

فيه عضلتين يا ابني هما اللي بيوسعوك صدرك في ال Normal inspiration

• ال Diaphragm

• وفوقها مكتوب ال external intercostal

ثمسكهم واحدة واحدة ،،،

ال diaphragm اللي هو بالعربي الحجاب الحاجز

دا أهم عضلة في الشهيق

بيقولك ال diaphragm لوحده مسؤول عن % 75 (والرقم ده مهم)

من زيادة حجم الصدر

الرقم مكتوب عندك

أهم muscle في الشهيق < ال diaphragm

هتروح البيت لازم هتقرأ

ال diaphragm ده اللي بيوسع الصدر

بيقولوا يا أولاد ال diaphragm لما contract

ب descend

ال D مع ال D

ال Diaphragm ب Descend

تفتكر لما ال diaphragm ينزل في الشهيق لتحت

يبقا أنه diameter زاد معنا ؟؟؟

ال longitudinal

- الشهيق فيه عضلتين يعملوه ،، ال normal inspiration فيه عضلتين :
 • Diaphragm ودي أهم واحدة فيهم ،، دا مسؤول عن 75% من زيادة حجم الصدر
 احفظ إن ال D مع ال D
 ال Diaphragm ب Descend
 ال diaphragm بينزل ،، descend
 تفكر لما بينزل يبقى أنه diameter اللي بيزيد ؟؟
 ال Longitudinal diameter

اللي يقول في الشفوي إن في الشهيق (inspiration)
 إن ال diaphragm بيطلع ،، هينزل هو

ال diaphragm هو اللي بينزل ،، هو اللي ب descend
 يقوم ال vertical (longitudinal diameter) هو اللي يزيـد

أهم عضلة شهيق مسؤولة عن كام في المية من زيادة حجم الصدر ؟؟؟
 75 %

- العضلة الثانية بتاعت الشهيق ،، موجودة ما بين الضلوع ،، (external inter costal muscles)
 إخوانا في ال anatomy قالولك ما بين كل ضلع والتاني ،،
 فيه inter costal muscles
 فيه من بره external inter costal
 وفيه من جوا internal inter costal

العضلة هنا بتاعت الشهيق اللي هي من بره ،، external inter costal muscle
 فوق ال diaphragm

احفظ معايا بقا ،،
 إن ال external inter costal بحرف ال E ليها وظيفتين بحرف ال E ،، هيسعولك صدرك
 بص لي من فضلك ☺
 تخيل إن ده rib وده rib
 ده ضلع أهو وأدي التاني راكب عليه

إيدي دي اتنين ribs

ال External inter costal muscle

- بتعمل elevation لل ribs

تخيل هما كانوا نايمين كده ،، هي بترفعهم ،، تقوم لما ترفعهم

أنهي diameter كده زاد معاك ؟؟

ال transverse diameter

- كمان وظيفة بحرف ال E ،، يقولك بتعمل Eversion لل ribs

إنت عندك ال ribs كده ،، يقولك : ال external inter costal بتفتح ال ribs شوية لبره ،، يعني بدل ما هما في مكانهم ،،

تشدهم لبره شوية

تفتكر لما تطلعهم لبره كده وتوسع معاك يبقا زودت أنهى diameter ???

antero posterior

يبقا كمان مرة ،، ال external inter costal

بحرف ال E ،، يبقا وظيفتين بحرف ال E

بتعمل إيه لل ribs ???

Elevation

وتعمل إيه كمان في ال ribs ???

eversion

شوفوا يا أولاد ،،

دول العضلتين اللي بتستخدموهم دلوقتي وإنتوا قاعدين أثناء الحصة

بتوع الشهيقي ال normal

اللي هما مين ومين بقا ???

diaphragm ال

وبعدين ال external inter costal

نفترض واحد بيعمل شهيقي جامد ،،

اسمها forced inspiration

في الحالة دي يا أولاد غير العضلتين اللي قولتهم ،، الشغل بيستخدم ثلاث عضلات accessory

accessory يعني احتياطي

مكتوبين عندك جنبها

والثلاثة ببداوا بحرف ال S

من فضلكم ،، متقولنيش كلام مقولتوش

يا بابا الشهيقي ال normal بنستخدم عضلتين

ال diaphragm و ال external inter costal

الشهيقي الجامد بنستخدم خمس عضلات

الأثنين اللي فاتوا هما هما (diaphragm و external inter costal)

وعليهم الثلاثة الإحتياطي

فاهمين أنا بقول إيه ???

مين بقا العضلات ال accessories اللي هستخدمهم مع الشهيقي العميق ???

S ثلاثة

• أول واحدة هتأخذوا حته منها في سنة أولى وحتة في سنة تانية إن شاء الله في ال anatomy ،، اسمها sterno mastoid

إخوانا في ال anatomy ،، هيقولولكم العضلة دي من اسمها شابكة في ال sternum ودا بتدرسه مع ال thorax

وشابكة ورا الأذن ،، في العضمة اللي اسمها mastoid

دا هتأخذه في سنة تانية إن شاء الله في ال head and neck

ضغوط الجهاز التنفسي

على فكرة إحنا جايين الحصة عشان نبتدي من أول هنا ،
التلاتة الأولانين دول سهلين أوووي

إحنا علينا يا أولاد تلت أنواع من الضغوط (Pressure) علينا إن إحنا نتعلمهم
والي مش هيفهمهم معايا كويس النهاردا
الحصة الجاية هيبقوا صعب أوووي عليه
فتركيز مطلق في الكلمتين اللي هنقولهم

فيه عندنا ثلاث أنواع من الضغوط علينا بندرسهم مع بعض
الحمد لله أول نوع خلصناه ،
فاكرين ال pressure داخل ال lung ، سميناه اسمين وكاتبناه مع بعض
كان اسمه إيه ؟؟؟
Intra alveolar ، أو intra pulmonary

الي كان كام في ال inspiration ؟؟؟

سالب واحد

وكام في ال expiration ؟؟؟

موجب واحد

يبقا أول نوع من الضغوط خلصناه ، وقولنا الكلمتين اللي عليه خلاص
ودا مكتوب عندكم (intra alveolar أو intra pulmonary)
ودا خالص ، الي كان سالب واحد وبعدين موجب واحد
تمام ، الحمد لله ده خلص

تاني نوع من الضغوط ، عنوان الصفحة عندكم ، اسمه intra pleural pressure
ودا سؤال نظري مهم ، ودا من الأسئلة التاريخية
يعني جه مثلاً في العشرين سنة اللي فاتت بتاع سبع ، تمن مرات
دا كتير أوووي
العشرين سنة دا اتعمل فيه حوالي أربعين إمتحان (دور أول ودور ثاني)
لما يجي سبع ، تمن مرات ، يبقا سؤال مكرر جداً

intra pleural pressure
أو يسموه إسم ثاني ، intra thoracic pressure (وهفهمكم ليه بعد شوية ليه سموه intra thoracic)

شوفوا يا أولاد ،

السؤال ده لما بيجي في الإمتحان (هقولكم كل حاجة عنه إن شاء الله متقلقوش)
إجابة السؤال خمس نقط ،

وأنا طالع واحد بيسألني بيقولي : أنا مش مذاكر نظري لغاية دلوقتي كويس ، أعمل إيه في إمتحان نص السنة ؟؟؟
شوف ، إن أنا أدرب نفسي على التحريري ده ،

يعني متجيش مش قاري ال blood بعمق جامد ، مش جاي تحفظهولي قبل الإمتحان بتلت أسابيع

ركز في ال M.C.Q.

طبيب إزاي أذاكر ال M.C.Q. ، عما يختلف مذاكرة ده عن ده ؟؟؟

آخر السنة في التحريري ، بيدولك العنوان مفيش ولا معلومة عنه

اتكلم عن ال intra pleural pressure

عليك إن أنت تكون قاعد فاكّر مع نفسك إني بتكلم على خمس نقط ، وعنوانينهم وكل واحد كذا

لمذاكرة نص السنة ، بين العنوان أدام عينيك

يعني قول العنوان ده أول حاجة ال definition (التعريف) وتروح مسمعه ،

تاني عنوان ال cause ،

يعني إنت هنا مش بتدور على ال Points في دماغك اللي هنتكلم فيها

إنت النقطة موجودة بس عليك تعرف المعلومات اللي تحتها

آخر السنة مطلوب منك الآتين ،

الي لسه مذاكرش النظري ، يذاكره في أجازة نص السنة

دلوقتي كمل بسرعة ، (طبعاً دول قليلين)

بس أنا بقول للي مذاكرش ، يخش علطول على ال M.C.Q.

مش لازم كله ، جايز يكون branch مدايقك شوية

intra pleural pressure

الأول العنوان intra pleural pressure

إيه ال Pleura دي ؟؟؟

البلورا ، اللي مش هيفهم هنا ال intra pleural pressure

صعب إنه يفهمه لوحده ،

ال pleura دي في ال anatomy يقولك :

دي عبارة عن ورقتين شفاف

• ورقة شفاف لازقة على ال Lung

• وورقة تانية مبطنة الضلوع من جوا

تخيلها كده أدام عينيك ،

أنا هرسمها ، بس لاحظوا حاجة

إن أنا وأنا برسم طبقتين ال pleura على ال Lung واللي على ال chest wall

هتكلم ، بس لاحظ حاجة وأنا برسم

إن القلم اللي هستخدمه (الأحمر) مش هرفع السن من على السبورة يعني ، ولا هدوس على الخط مرتين

بص إزاي هرسمك طبقتين ال Pleura

واسمع الشرح وأنا برسم

ال Pleura دي عبارة عن إيه ؟؟؟

عبارة عن ورقة شفاف لازقة على ال lung كده ،

حتى ورقة الشفاف دي ، يسموها ال visceral layer بتاعت ال pleura اللي لازقة على ال lung

وفيه طبقة ثانية لل Pleura مبطنة الضلوع من جوا
يسمونها ال parietal layer بتاعت ال Pleura

يبقا اللي لازقة على ال lung اسمها إيه؟؟
visceral layer

واللي مبطنة الضلوع إسمها إيه؟؟
parietal layer

إحنا بقا السؤال عايزين نشوف ال pressure هنا ما بين الطبقتين بتوع ال Pleura
هو ده السؤال اللي جاي لنا نظري مهم ،، وهنتكلم فيه في خمس نقط
ال Pressure ما بين الطبقتين دول

فهمت إيه هي ال Pleura؟؟
عبارة عن ورقتين شفاف ،، واحدة منهم لازقة على ال Lung
وواحدة مبطنة الضلوع من جوا
الضغط ما بينهم

أول نقطة في إجابة السؤال ،، intra pleural pressure
طالب يقولي يعني إنت محتاج تقولها definition؟؟ ما هي باينة

جاي يقولي : تعريف ال intra pleural pressure مش محتاج إنك تقول
إنه ال Pressure ما بين الطبقتين بتوع ال pleura
it does not need to defined
متتعيش نفسك ،، ما هي باينة

كده نأخذ صفر ،، إنك نسيت أهم كلمة ،، إن الضغط ما بين طبقتين ال pleura دائماً negative
بروز كلمة negative

يعني الضغط داخل الرئة اللي لسه قايلينه من شوية
كان في ال inspiration ،، سالب واحد
وفي ال expiration ،، موجب واحد

الضغط يا أولاد ما بين طبقتين ال Pleura
دائماً Negative

خط البرواز واضح حوالين كلمة Negative
هو النمرة على الكلمة دي ،،

عارفين ثاني نقطة إيه في السؤال؟؟
ليه دائماً negative ،، ال cause
أدي ثاني نقطة في الإجابة ،،

الطالب الناصح مينساش النقط الي بيتكلم فيها
عامل system صح في دماغه ،
الضغط دائماً negative

يبقا لازم تقولي ليه دائماً Negative ???

شهيق زفير ، دائماً negative

شهيق زفير ، دائماً Negative

مكتوب عندك ال cause ،

قبل ما نقوله ،

فيه قاعدة يا أولاد بتقول : الكلام ده مش مكتوب في المذكرة اسمعوه لو سمحتم
القاعدة بتقول إن أي سطحين بيقتربوا من بعض بيعملوا ما بينهم positive pressure

مش فاهم ☹

يعني إيه ???

تخيل يا بابا أنا عندي كرة تنس حاططها على ترابيزة

إبتديت بإيدي أضغط على الكرة ،

كرة التنس بتنضغط تحت إيدي

عارف ليه بتنضغط ???

لأنها بتتعرض ل positive pressure

يعني إيدي وهي رايحة بإتجاه الترابيزة ، سطحين أهم بيقتربوا من بعض

عملوا ما بينهم Positive pressure

وهو دا الي زانق الكرة بينهم

فانضغت

طب ، لو فهمتوا كملولي القاعدة

وبيقا أي سطحين بيبتعدوا عن بعض ، هيعملوا ما بينهم (السطحين دول) هيعملوا إيه ؟؟ negative ولا Positive ؟؟

negative pressure

متخيلين القاعدة دي بتقول إيه ???

عارفين ليه الضغط negative ما بين طبقتين ال pleura ؟؟ ليه دائماً negative ???

بسبب continuous tendency ،

الي هي بالعربي الرغبة الدائمة ، الرغبة المحمومة ، الرغبة اللي لا تتوقف

بتاعت إيه ؟؟؟

بص عليا ، تخيل إن دي ال Lung بتاعتك ، ماسكها لك كده ،

ماسكها ال Lung

إيدي دي هي ال chest wall

يبقا دي lung ، ودي ال chest wall

يقولك جوا جسمك ، طول الوقت رغبة دائمة لالتوقف ، continuous tendency
 ال Lung بتاعتك طول الوقت عايزة تصغر
 تصغر دي اتعملناها كلمة recoil

ومكتوبة one liter في دائرة

يقولك : دا ال relaxation volume بتاعها
 يعني الوضع اللي هتستريح فيه ،

بص عليا ،

ال lung طول الوقت عايزة تصغر و يبقى حجمها لتر
 وفي نفس الوقت ، ال chest wall عايز ينتر (يخرج بقوة) لبره
 عايز يوسع لبره ، ويوصل خمسة لتر

تخيل ال Lung عايزة تصغر ، طبعا بطبقة ال pleura اللي لازقة عليها بتشدها عليها
 وال chest wall بطبقة ال pleura الثانية عايز يوسع

تخيل إنت إن ال lung عايزة تصغر ، وال chest wall عايز يبعد لبره
 أي سطحين يباعدوا عن بعض ، بيعملوا ما بينهم negative pressure
 مكتوبة عندكم

ليه الضغط دائما negative ???

ال lung عايزة تصغر ، وعايزة يبقى حجمها لتر
 ومكتوب عندكم إن ال chest wall عايز (expand) يوسع ويبقى خمسة لتر

طب عندي example لازم تفهموه الأول قبل ما أكمل ،
 تفتكر إني لو جيت اتنين slide من بتوع الهستولوجي ، اللي بتتفرجوا عليه
 الزجاج ده ،

لو أنا جيت slide منهم ، حطيت عليه نقطة مية
 وروحت جايب ال slide الثاني مركبه فوقه

يبقا دلوقتي الأتنين slides ، ما بينهم نقطة المية دي
 حاول كده تبعد الأتنين slides عن بعض
 مش ترحلقه ،

شدهم كده vertically من بعض

هل هتتعرف تفصلهم ???

لا

لو مزحلقتهمش ، مش هتتعرف تفصلهم

هقولكم حاجة ،

هو أنا لما بحاول أبعد الأتنين slides عن بعض ، أي سطحين يباعدوا عن بعض

بيعملوا ما بينهم negative pressure
وال negative pressure المتولد سيجهض المحاولة
مش هتتعرف تفصلهم في الآخر

إنت عارف ما بين الطبقتين بتوع ال pleura هنا فيه إيه؟؟؟

مش هوا ،، أوعى تلخبط ،، مفيش هوا
فيه thin fluid
سائل شبه ال Lymph

بيقولك : few centimeters
يعني مش واسعين أو ووي زي ما بيكونوا مرسومين في الشرح
يقولك : دا Potential space (دا فراغ افتراضي)

ما بين ال two layers بتوع ال pleura في الحنة دي
فيه كذا centimeter ،، fluid شبه السائل الليمفاوي
زي فكرة نقطة الملية ما بين ال two slides
لما أحاول أبعدهم
حصل ما بينهم negative pressure
وكانت نتيجة ال negative pressure ،، إنك معرفتش تفصلهم

نفس الطريقة يا أولاد ،،
يقولك : ال Lung عايزة تصغر ويبقا حجمها واحد لتر
وال chest wall عايز يكبر ويبقا حجمها خمسة لتر

يقولك : هيحصل ما بينهم positive ولا negative؟؟
وال Negative pressure اللي هيتولد ما بين ال Lung وال chest wall سيجهض المحاولة

إيه رأيكم بقا ،،
لا ال Lung هتتعرف توصل لل level اللي هي عايزاه ،، ولا ال chest wall هيوصل الخمسة لتر

يقولك : في نهاية ال expiration هيصلوا إلى حجم 2.3 لتر
وإن شاء الله إن كان لينا عمر ،، الحصة القادمة هقولك الرقم ده مهم

كمان مرة ،،

بص ليا من فضلك ☺

يبقا إحنا لغاية دلوقتي قولنا السبب ،، ليه الضغط ما بين طبقتين ال pleura دائماً Negative؟؟

لأن ال Lung عايزة تصغر ويبقا حجمها واحد لتر
وال chest wall عايز يكبر ويبقا حجمها خمسة لتر

أي سطحين يبيعدوا عن بعض ،، بيعملوا ما بينهم Negative pressure
و ال Negative pressure لا هيحقق رغبة دا ولا رغبة دا

إحنا في نهاية ال expiration هنقف عند حجم كام ???
2.3 لتر

طيب ،،

السؤال دلوقتي ،، إيه اللي مخلي الرئة عايزة تصغر ،، وإيه اللي مخلي ال chest wall عايز يكبر ???
عندك فيه سبين ليه الرئة عايزة تصغر :

١. ثمة واحد الرئة بتاعتنا يا أولاد مليانة أساتك ،، (أستيك)
جوا الرئة فيه أساتيك ،، أي استك في الدنيا تسيبه هيكبر ولا هيصغر ??? يصغر
الرئة مليانة أساتك وحاجات عايزة تصغر
ودا أول سبب لأن الرئة عايزة تصغر ال elasticity

مكتوب عندكم رقم ،،
إن ال elasticity 1/3 القوى اللي عايزة تصغر
دي تُمثل الثلث من ال recoil tendency

يعني إيه recoil ؟؟
تصغر

٢. أهم سبب يا أولاد ليه الرئة عايزة تصغر ،، اللي هو ال 2/3 (الثلثين) الباقيين يعني
ال surface tension
وما أدراك ما ال surface tension

عارف إيه هو ال surface tension باللغة العربي ???
التوتر السطحي

وعارفين إيه هو بالعربي التوتر السطحي ؟؟
جزئيات المياه بتتجاذب مع بعضها ،،

تعال أحكيلك إيه هو ال surface tension وإزاي دا حاجة عايزة تصغر الرئة
ودا أهم قوى عايزة تصغر الرئة ،، 2/3 قوى التصغير

عينكم على السبورة شوية ☺
تخيل إن دي واحدة من ال alveoli
يسموها alveolus ،، دا المفرد بتاع ال alveoli

دا ال blood ،، يسموها ال pulmonary capillary
شعيرة دموية داخل الرئة ،، يسموها Pulmonary capillary ،، اللي ماشي جواها دم
اتعودوا مني بقا في ال respiration هكتب ال blood بالأحمر دائماً
عشان متوهش ☺

الجماعة العلماء بيقلولوا إن فيه طبقة fluid رقيقة

thin film of water
هتعدى من ال vessel (Pulmonary capillary)
وتبطن ال alveoli

الطالب يسمع الكلام ده يتعفرت ☺
مية هتخلشنا جوا الرئة

يا ابني بقولك : طبقة مية رفيعة ،

ودي تخش إزاي ???

معرفش ليه مستغربين !!!

يا أولاد ،، إحنا في بيوتنا أحياناً بتبقا ماسورة مية ماشية على الحيطه من بره الشقة
والحيطه بتاعتنا تُخن كده ،،

أحياناً طبقة مية من الماسورة اللي بره ،، تنشع جوا الشقة وتبوظ الدهان

بتحصل ولا مبهتصلش ???

بتحصل

والحيطه دي تُخن كده ،، مستغربين ليه ،، لما أقولكم على ال alveoli

اللي تُخن ال wall أد إيه ???

حاجات بتقاس بالميكرو ،، إن فيه طبقة مية رفيعة بتخش تبطن ال alveoli

هو إحنا يا أولاد مش ماسورة المية بتدخل مية بتغرقنا جوا الشقة تبوظ الدهان
بنفس الفكرة ،،

فيه طبقة مية

والكلام ده صحيح ،، يا أخي مسمعتنيش بقولك فيه مية بتخرج مع الناس

مش تسأل المية دي جت منين ؟؟

هي دي المية اللي بحكيلك عنها

فيه طبقة مية رفيعة بتبطن ال alveoli بتاعتنا جاية من الدم

طبقة رفيعة أوووي

بص لي من فضلك ☺

ال alveolus دي كرة ،، المية مبطناها من كل الإتجاهات

ال surface tension معناها إن جزيئات المية بتتجاذب

جزيئات المية لما بتتجاذب ،، يعني ال alveolus عايزة تصغر ولا تكبر ???

تصغر

طيب ،، ما الرئتين بتوعك عبارة عن 300 مليون alveoli

ما دام أثبتت إن واحدة عايزة تصغر

يبقا الرئتين كلهم عايزين يصغروا

ودا أهم قوى عايزة تصغر ال lung

ال surface tension

يبقا فيه كام سبب يا أولاد الرئة بتاعتنا عايزة تصغر؟؟

اتنين

إيه وإيه بقا؟؟؟

ال elasticity وال surface tension

لما يسألوك في الإمتحان ،، مين الأهم فيهم هتقول مين؟؟

ال surface tension

فهمتوا إيه هو ال surface tension؟؟؟

أهم قوى لتصغير (recoil tendency) أهم واحدة ال surface tension

ال chest wall فيه عايز يكبر بقا؟؟

كتاب الكلية عايز يجننا والله ☹ شوف كاتب إيه

ليه ال chest wall عايز يكبر ،، ال elasticity

الطالب يقرأ دي يتعفرت ☹

بص ☹ ،، إنت لسه قايل ال Lung عايزة تصغر بسبب ال elasticity

إزاي تقولي ال chest wall عايز يكبر لبره بال elasticity !!!!

ما هي دي اللي سقطت سهواً وهما بيكتبوا الكتاب

إنه كان لازم ينبهوا على الطالب ،،

إن ال elastic tissue في الجسم نوعين :

نوع linear ،، دا عامل زي الأستك ،، اللي نفسه يصغر زي اللي جوا ال lung

ونوع ثاني عامل زي سوستة القلم الجاف ،، spiral

ال elastic tissue فيه نوع ثاني

،، spiral

سوستة القلم الجاف يا أولاد ،، إحنا ضاغطين عليها بتنضغط

تشيل صباغك ،، تنتر لبره ولا لجوا؟؟؟

لبرا

أنا راسملك سوستيتين قلم جاف على فكرة اللي فوق ال continuous tendency وبينتروا لبرا

كده بيقا إحنا فاهمين

إن اللي عايز يصغر ال Lung ال elasticity و surface tension

واللي عايز يكبر ال chest wall ال elasticity بردو

بس الكتاب مقال كش إن ال elastic fibers نوعين :

• نوع Linear

• ونوع spiral

نوع عايز يصغر ونوع عايز ينتر لبرا اللي زي سوستة القلم

حتى يطمأن قلبي ،

الضغط ما بين طبقتين ال pleura ، أهم كلمة في ال definition

هي كلمة negative

دائماً Negative ، دائماً Negative

يبقا النقطة اللي وراها ، **ليه دائماً Negative ؟؟؟**

بسبب continuous tendency

رغبة لا تتوقف

ال lung عايزة إيه ؟؟

recoil

وبيقا حجمها أد إيه ؟؟؟

واحد لتر

عايزة تصغر لسببين هي ، مين ومين ؟؟

elasticity وال surface tension

مين الأهم ؟؟؟

ال surface tension

يمثل أد إيه من القوى اللي عايزة تصغر ؟؟

الثلاثين 2/3

في نفس الوقت ال chest wall عايز ينتر على بره ، يكبر ، بسبب ال elasticity

وبيقا كام لتر نفسه ؟؟؟

خمسة لتر

أي سطحين يبعدوا عن بعض ، عملوا ما بينهم negative pressure

وال negative pressure سيجهض المحاولة

يعني لا يحقق رغبة دي ولا دا

إحنا في نهاية ال expiration

هنقف عند حجم كام ؟؟؟

2.3 لتر

عايزين نقيس الضغط ال negative دا كام ؟؟؟

measurement

دا تابع للسؤال بتاع ال intra pleural pressure

شوفوا يا أولاد ،

لو إحنا عايزين نقيس الضغط ال negative ده اللي ما بين طبقتين ال Pleura

المنطق يقول :

لو إنت عايز تقيس الضغط ما بين الطبقتين بتوع ال Pleura

هعمل إيه ؟؟

هجيّب إبرة ، هدخلها في صدر العين ، أغز العيان بإبرة نظام اللمبي يعني

أخرمله صدره ، ما بين طبقتين ال pleura

والإبرة دي متوصلة بعداد يقول الضغط دا كام

تخيل إنت داخل على العيان ،

لا مؤاخذا يا عمي هنقسيك الضغط اللي ما بين طبقتي ال Pleura

وماسكه سكينه وداخل عليه بيها

مش هيرضي يخليك تقيسها طبعاً

فالناس بتفكر ،

ابتكروا طريقة لقياس الضغط ما بين طبقتي ال Pleura رائعة

بتفيدني جداً في الشرح

أنا راسم صورة عندكم غريبة في ال measurement

أنا تخيلت إن عندك بني آدم قطعته بالعرض

تخيل بقا من حقي ،

تخيل إن واحد عملنا فيه cross section

وبصينا بعد ما قطعنا ،

لقينا المنظر كده ،

على إيدك اليمين ، دي ال Pleura بتاعت الناحية اليمين والضغط جواها negative

أنا نسيت تماماً ال lung والكلام من ده

عايز حاجة معينة ،

على إيدك الشمال ، ال pleura بتاعت الرئة الشمال والضغط جواها negative

وكاتب إن دي negative و إن دي negative

فيه دائرة في النص ، عملتلها الجدار مرتين ،

دي عبارة عن ال esophagus (المريء) بتاع البني آدم اللي بيعدي فيه الأكل

بصوا يا شباب الله يكرمكم ،

الكتاب مش شارح شرح وافي ، ففهموها معايا

ال esophagus ده يا أولاد اللي بيمر فيه الأكل (المريء يعني)

أنبوبة جوفاء ، فاضي من جوا

مش الأكل هيعدي فيه ؟؟ بيتقا لازم يكون فاضي

لما أقولك إن ال esophagus معدي جوا صدرك ، حواليه من هنا الضغط negative

ومن هنا الضغط negative

الضغط ال negative دا ، عامل زي المكثسة الكهربائية ،

بيشفط ناحيته

المكثسة دي عبارة عن negative pressure

اللي بتشيل التراب

لما أقولك إن ال esophagus ماشي في النص

وحواليه من هنا negative pressure ومن هنا negative

ودي كلها حاجات بتشطف ناحيتها

ال negative بتشدد ناحيته ،

تفتكر ال esophagus لأن حواليه negative من الناحيتين هيووسع ولا هيضيق ؟؟؟

هيووسع

تفتكر متى يتوقف ال esophagus عن الإتساع ؟؟؟

لما يبقى الضغط كلها زي بعض

صح ولا أنا غلطان ؟؟؟

يعني إمتى ال esophagus مش هيووسع ؟؟؟

لما الضغط جواه يبقى negative

بالظبط زي ضغط ال Pleura على الناحيتين

صح ولا أنا غلطان ؟؟

صح

إيه رأيكم مش بس ال esophagus جوا صدرك ، الضغط فيه Negative زي ال pleura

إيه رأيك إن أي vein جوا صدرك ، أي وعاء ليمفاوي جوا صدرك

كلها حاجات Hollow بتوسع

إيه رأيك إن أي structure معدي جوا صدرك ، فضل يوسع ، لغاية ما الضغط جواه بقا زي ال pleura بردو negative

أقولك حاجة ،

يعني أي structure جوا صدرك كلهم زي ال Pleura

كلهم الضغط فيهم واحد ، كلهم negative

ارجع كده للعنوان ،

عنوان ال intra pleural كان ليه اسم ثاني ،

كان ليه اسم intra thoracic

الضغط ما بين طبقتين ال pleura ، هو الضغط بتاع أي structure جوا صدرك

لازم كلهم negative زي بعض

أي structure أجوف ، هيفضل يوسع لغاية ما الضغوط تتساوى

عشان كده سموه intra pleural ، intra thoracic
سهلة كده ؟؟؟ إن شاء الله

شوف بقا إزاي هقيس العيان ،
إرجع بقا لل measurement
بنيجي للعيان من دول نقوله : ابلع بالونة مش منفوخة ،
أد عقله الصباع يا أولاد ، أد المكروناية ، مش معقولة مش هيعرف يبلع مكروناية
أد عقله الصباع ، بلونة مفضية

العيان بيروح بالع البالونة دي ،
البالونة دي بتقعده في المريء ،
أنا راسمك البالونة على فكرة دائرة صغيرة أوووي أوووي جوا الدائرة الكبيرة
المفروض منطقتش أنا بقا

البالونة دي جوا المريء (esophagus)
والضغط بتاعه negative

هيحصل إيه في البالونة ؟؟؟
هتوسع

لغاية إمتى ؟؟؟

لغاية ما تبقى البالونة negative pressure زي حوالين البالونة

البالونة دي بقا متوصلة بخرطوم رفيع
بعداد بره الجسم
يقولك الضغط جوا البالونة كام ، ويبقا دا الضغط داخل أي structure جوا الصدر

طبعاً بعد ما التجربة تخلص ، **أعمل إيه ؟؟؟**
أشد البالونة ☺

إنتوا مش مطلوب منكم إنكم تقولوا كل الوصف ده
مطلوب سطين ، هما دول اللي يتكتبوا في الكتاب ، كاتبهمك

إزاي يا ابني نقيس ال intra pleural pressure ؟؟؟

intra esophageal balloon

بالونة داخل المريء ،

connected to (متوصلة)

ب sensitive manometer

مش هتكتب ولا كلمة زيادة عن السطرين دول

بس أنا مبينك الخلفية ، وإزاي ؟؟ هي دي الطريقة

ما دام قولت ال measurement

يبقا لازم النقطة اللي جاية اللي هنتكلم فيها ال Normal standard

ما دام قولت القياس ،

يبقا لازم تقولي الأرقام الطبيعية كام ال Normal standard

إنتوا ابتديتوا متركزوش
فأنا هقرا لكم عشان أوريكم إزاي إن القراءة تكون سهلة ورائعة وتخلصوا بسرعة جداً إن شاء الله
اقرأ يا بني معايا ال Normal standard

بيقولك في نهاية ال expiration
الضغط بيوصل لسالب أربعة

في نهاية ال inspiration
من سالب ستة إلى سالب ثمانية

كلام قل وكلام حلو ،، إن الضغط دائماً negative
صح كده

لو الموضوع موضوع ترجمة يا شباب ،،
في نهاية ال expiration بيكون سالب أربعة
في نهاية ال inspiration من سالب ستة إلى سالب ثمانية
ونقعد نعيدها تبقا حلوة أوووي

بس أنا واثق إن الأسئلة لما تجيلك هتتلخبط
سيبك من اللي مكتوب
كتاب الكلية عشان يفسر ليه الضغط في نهاية ال inspiration بقا More negative من سالب ستة إلى سالب ثمانية
ليه More negative ؟؟؟
أنا هكتبهم على السبورة أربع سطور
لما تفهمهم اكتبهم في كتابك لو سمحت ،، متكتبش حاجة إنت مش فاهمها

إنت عايز تعرف ليه في نهاية ال inspiration بقينا More negative ،، negative أكثر ،، سالب ستة وسالب ثمانية ؟؟
امشي معايا خطوة خطوة ،، وشوف رأيك إيه في الكلام اللي هنقله إن شاء الله
إنت عندك في نهاية ال inspiration
دي النقطة اللي عايزين نعرف ليه الضغط عندها بقا More negative
سالب ستة ،، سالب ثمانية

مش ال lung في نهاية ال inspiration منفوخة أوووي ؟؟؟
مش دخلت جواها هوا في ال inspiration ؟؟؟
مش إحنا قولنا الرئة بتوسع في ال inspiration ؟؟؟
حتى كلمة توسع استخدمنا لها كلمة extension
طيب ،،
يبقا في نهاية ال inspiration فيه More lung extension
فيه حد معترض ؟؟ لا
حد فاكّر إن الرئة بتصغر في ال inspiration ؟؟ لا
أكيد بتتنفخ وفي نهاية ال inspiration اتنفخت على الآخر

قولولي من فضلكم : هي الرئة عايزة تصغر ولا تكبر ؟؟؟
تصغر

طيب ،، إنت دلوقتي نافخها على الآخر ،،
في نهاية ال inspiration ،، إنت نافخها ،، وهي طول عمرها عايزة تصغر
(تصغر دي كلمة recoil)

يبقا رغبتها إن هي تصغر ،، إنت نافخها

رغبتها إنها تصغر تزيد ولا تقل ؟؟؟

تزيد ،، إنت اللي قولت مش أنا والله

ال lung لأنها منفوخة على الآخر ،، يبقا رغبتها إن هي تصغر تزيد

اسمها more recoil tendency

ال recoil tendency دي هي اللي بتزود ال negativity

مش إحنا قولنا ،، ليه الضغط negative ما بين طبقتين ال pleura

قولنا بسبب ال continuous tendency إن ال lung عايزة recoil

طيب ،،

إيه رأيكم إن ال recoil tendency زادت ،،

وهي دي سبب ال negative pressure من الأول

يبقا ال negative ما بين طبقتين ال pleura بردو هيزيد

خلصت

شوفت إزاي سهلة لما أشغل مخي ،،

أقولها كمان مرة ،،

والله لو معترض على أي واحدة من الأربع سطور وقفني ،،

في نهاية ال inspiration ،،

مش الرئة منفوخة على الآخر ؟؟؟ أيون منفوخة على الآخر

يبقا رغبتها إنها تصغر تزيد ولا تقل ؟؟ تزيد

بالونة إنت نافخها جامد أوووووي يبقا نفسها تصغر

الرغبة بتاعتها إنها تصغر تزيد ،،

طيب ما الرغبة دي سبب ال Negativity من الأول

الرغبة زادت ،،

يحصل إيه في الضغط ال negative ؟؟؟

يزيد

عرفتوا ليه في نهاية ال inspiration بيكون More negative ؟؟ إن شاء الله

اكتبهم الله يكرمك الأربع سطور دول

أنا همليهم كل سطر يؤدي للي وراه يعني

in the end of inspiration

more lung distension

more recoil tendency

more negative intra thoracic pressure

إيه رأيك إن ال Newborn اللي لسه مولود دلوقتي ،، مولود حالاً
لا الرئة بتاعته عايزة تصغر ولا ال chest wall بتاعه عايز يكبر

ساعة الولادة ،،

ال newborn المولود ،،

لا الرئة عايزة تصغر ،، ولا ال chest wall عايز يكبر

تفتكر الضغط ما بين طبقتين ال pleura دول كام ؟؟؟

مفيش ،، zero

مكتوب عندك إن ال Newborn الضغط ما بين طبقتين ال Pleura فيهم بيكون zero

أصل في بطن مامته ال baby مش شغال بالرئة

بيتنفس عن طريق المشيمة (Placenta)

مش شغال بال lung أساساً

فيه عندكم curve حفظ ،، اللي مش هيكتبه في السؤال هينقص تلت أو أربع نمر علطول

أنا هرسمه معاك واحدة واحدة ،،

هرسمه وأقولك أنا بعمل إيه ،،

إحنا علينا في ال respiration حوالي تَمَن أو تسع كرفات ،، دا واحد فيهم

لازم يترسم ،،

وهقول حاجة ،،

سعادتك لما تيجي ترسم curve في امتحان آخر السنة ،، ليها نظام

مش الطالب يروح كاتب الورقة التحريري ،، يجي على الهامش اللي فوق اللي هو اتنين في اتنين

ويحطلي ال curve

ال curve يترسم في ورقة لوحده

أنا عايز حجم طبيعي لل curve

يعني حاجة بقيمتها ،، يعني بالمسطرة كده وحاجة محترمة

ال curve فيه الأول خطين بالطول

دول بحب أسميهم ميزان الرسة ،، دول الممتحن مش هيحاسبك عليهم ،، بس دول عشان تظبط الرسة لروحك

خطين بالطول

هرسم إزاي ،، إيه ال curve المرسوم ؟؟؟

نصين كرة ،،

فيه نص فوق خالص في الرسة ،، وفيه نص كرة تحت خالص

يبقا نصين كرة ،،

نص ونص

النص الفوقاني بيقسموه ربعين ،،

ربع inspiration والربع الثاني expiration

عبارة عن إيه ال curve ده ؟؟؟

عبارة عن حجم صدرك زاد ،، أدي ال curve طلع
في ال inspiration ،، صدرك وسع
وبعدين خرجت الهواء ،، صدرك صغر
دا يعبر عن حجم الصدر

ال chest wall زاد وبعدين قل
دخلت هوا وبعدين خرجته

يبقا النص الفوقاني ربعين ،، inspiration and expiration
طيب

بصوا لو سمحتوا ☺

النقطة بتاعت قمة الدائرة اللي فوق

تمثل ال end بتاعت مين ؟؟؟

ال inspiration

لو نزلت بيها بخط على نص الدائرة اللي تحت

يبقا دا الضغط ما بين طبقتين ال pleura اللي هو ال intra pleural pressure

نهاية ال inspiration ،، إحنا قايلينه لسه كام في الأرقام ،، سالب ستة ،، إلى سالب ثمانية
مكتوب عندكم في الرسم سالب ستة

بيستخدم وحدة سم مية

والله مكسوف أسأل لتجاوبوا غلط ،،

تفتكروا النقطة دي ،، تمثل النهاية بتاعت مين ؟؟؟

ال expiration

وخلي بالك ،، نهاية ال expiration هي بداية ال Inspiration اللي بعده

الضغط اللي ما بين طبقتين ال pleura كام ؟؟

سالب أربعة

فيه curve ما بين نص الدائرة اللي فوق ونص الدائرة اللي تحت

فيه حاجة عاملة زي الموجة ما بينهم ،،

دا عبارة عن الضغط جوا ال lung

حد فاكسر إسمه إيه ؟؟؟

intra alveolar ،، أو intra pulmonary

اللي هو كان كام وكام ؟؟؟

سالب واحد وموجب واحد

أثناء ال inspiration بيكون سالب واحد تقوم الموجة تنزل لتحت (سالب واحد)

في ال expiration بيكون موجب واحد تقوم الموجة طالعة لفوق

دا عبارة عن ال Intra alveolar أو ال intra pulmonary pressure

عمر ما كان الموضوع صعب للناس اللي فاهمة ،
 طب نأخذ الأهمية بالمرّة بتاعت ال intra pleural pressure
 ليه ربنا عمل الضغط ال negative حوالين ال lung ؟؟؟ يعني عمال تحكيلنا negative و ربنا عامله negative
 وليه negative ؟؟

بصوا يا شباب ،
 أنا علمتكم إن الضغط ال negative كحاجة بتعمل suction زي المكينة الكهربائية

إنت عارف لو مفيش ضغط negative محوط ال lung بتاعتك
 كان سعادتك ساعة ما تيجي تخرج هواء في ال expiration
 الهواء يفضل يخرج من جوا ال lung
 لغاية ما الرئة تفضي خالص
 إيه اللي كان يمنع يعني ؟؟
 وجود ضغط negative حوالين ال lung
 والضغط ال Negative ده بيشد ناحيته ، بيمنع إن ال lung تتطبق على الآخر في ال expiration

مكتوبة عندك الأهمية ،
 Prevent lung collapse
 collapse يعني تتطبق ، تتقفل خالص وهي بتخرج هوا

هسألکم سؤال ،
 تفتكروا لو أنا عندي بالونتين ، واحدة فاضية خالص وواحدة نصها هواء
 أيهما أسهل ليك إنك تنفخ فيها ، اللي فاضية خالص ولا اللي نصها هواء ؟؟؟
 اللي نصها هواء
 أنا عايزك تتخيل يا ابني لو كل مرة بنخرج الهواء من صدرنا ، الرئة اتطبقت
 كان عشان تنفخها للمرة اللي وراها تتعب جداً ، كل مرة
 عشان كده دي الأهمية الثانية ، إن كون الرئة مبتتطبقش بسبب ال negative اللي حوالها
 دا يساعد ال lung expansion
 إنك تنفخ الرئة في المرة اللي وراها

فيه أهمية ثالثة ، مكتوبة بالعربي ،
 أوعوا تنسوا إن الضغط داخل أي structure جوا صدرنا negative
 ال vein جوا صدرك negative
 ال lymph جوا صدرك negative (الوعاء الليمفاوي بردو negative)

تفتكر ال blood وال lymph
 لما جوا صدري negative

يبقا ال blood وال lymph هيتحركوا من ال vein والوعاء الليمفاوي بتاع رجلي
 ناحية الضغط الأقل اللي جوا الصدر
 سمينها إيه حكاية الدم اللي بيرجع للصدر ، ال venous return
 ما هو دا اللي حكيتلكم عنه في بداية الحصّة

إن الجهاز التنفسي مهم
عشان الدم يرجع للقلب

مكتوب عندكم إن الضغط ال negative داخل الصدر ،، يساعد ال VR

إيه ال VR ده ؟؟؟

venous return ال

وال Lymph return

فهمتموا إيه أهمية ال negative pressure حوالين ال Lung ؟؟؟

عشان الرئة متقفلش ،، بيشفطها لبرا ،،

ويساعد على التنفس

بعد كده ،، ثالث أنواع من الضغوط

آخر أنواع من الضغوط ☺

والكلام ده مهم بدايةً في ال M.C.Q.

الي مش هيفهم النوع ده من الضغط ،، الحصة الي جاية هيضيع منه نصها بالضبط

نص الحصة الي جاية قائم على الي هنقله إن شاء الله

تفتكر أنا لو عندي بالونة بحاول أنفخها ،،

جه واحد منكم حب يغلس عليا ،، راح ماسك البالونة بإيديه الأتئين من برا

يعني أنا بنفخ بالونة ،، وهو جاب إيديه وراح زانق على البالونة من بره

هل البالونة تتنفخ ؟؟؟

لا طبعاً

قصدكم تقولوا : عشان البالونة تتنفخ ،، لازم الضغط جواها يبقا أعلى من براها

البالونة عشان تتنفخ لازم كده يا أولاد ،،

هقول تاني :

أنا ماسك بالونة وعازب أنفخها ،، واحد منكم جاب إيديه هو ،، وراح زانق على البالونة من بره

وزانق جامد ،،

البالونة مش هتتنفخ صح ؟؟؟ أيون

قصدكم تقولوا : إن البالونة عشان تتنفخ ،، لازم الضغط جواها يبقا أعلى من الضغط براها

وبيقا الضغط الي بينفخ البالونة هو الفرق ما بينهم (ما بين الضغط جواها والضغط براها)

إيه رأيكم إن هو دا الكلام الي عازب أوصله ،،

بيقا الضغط الي بينفخ ال lung ،، الفرق بردو ما بين الضغط جواها ناقص الضغط براها

جواها ده إسمه إيه ؟؟؟

intra pulmonary

أو الإسم التاني ؟؟؟

intra alveolar

وبراها الي هو مين ؟؟؟ intra pleural

اقرأ كده عندكم ،،

الضغط ده اسمه distending pressure بتاع ال Lung
دا عبارة عن الفرق ما بين الضغط جوا ناقص برا

جواها ،، اسمه alveolar

وبراها اسمه pleural

عشان الإمتحان ،،

لازم تبقا عارف إن الضغط اللي بينفخ ليه اسمين تانيين :
distending pressure بتاع ال lung هو هو ال trans pulmonary
اللي عبر الرئة

أو يقولوا عليه trans mural

mural يعني جدار

الضغط عبر الجدار بتاع الرئة

إحنا يا ابني مش بندي فرصة لإحتمالات ،،

التلت أسامي دول حاجة واحدة ،، ال distending pressure ،، اللي بينفخ
هو ال trans pulmonary pressure ،، هو ال trans mural pressure

اللي هو فرق ما بين مين ومين بقا ؟؟؟

ال alveolar ناقص ال pleural

طيب ما تيجي نحسبها ،،

ال alveolar كان سالب واحد وموجب واحد

يبقا المتوسط كام ؟؟؟

zero

الضغط جوا الرئة إحنا اتفقنا إنه سالب واحد وبعدين موجب واحد

يبقا ال average زيرو (zero)

والله لو ما طلعت زيرو لا بد أن تستغربوا

الرئة بتاعتك متوصلة بالعالم الخارجي في الآخر

يبقا الضغط في المتوسط zero

أقولك حاجة : بص على رسمة ال curve ،،

إنت بتقول الضغط في ال Inspiration بيكون سالب واحد

بس أنا شايف في نهاية ال inspiration < zero

والله أسألکم ،،

تفتكر لو الضغط جوا صدرك سالب واحد علطول

ما هو الهواء كان هيفضل يخش إلى ما لا نهاية

مش إنت عمال تقولنا بقالك ساعة إن الضغط ما بين طبقتين ال Pleura دائماً دائماً Negative

هيسألك بقا : إمتى يتقلب Positive ???

حاجتين :

فيه تجربة وصفها عالم روسي اسمه valsalva

valsalva experiment

Valsalva تجربة الخواجة

على فكرة Valsalva دا راجل روسي ،، بس ترجمة اسمه لذيدة شوية

Vals دا نوع من الرقص ،، رقص الفالز

alva في اللغة الروسية يعني محب

محب للرقص

المفروض كان طلع عالمة مش عالم ☺

المهم إنه طلع عالم في الآخر ،، راجل روسي اسمه Valsalva

المهم ،،

تعال أقرأ ليك الكتاب كاتب إيه ،،

الكتاب بيوصف إمتى الضغط يبقا Positive ،، تجربة Valsalva

وراح شارح تجربة Valsalva

مكتوبة كده

كاتبلك : دا عبارة عن forced expiration against closed glottis

أول حاجة مطلوبة مني أفهمك إيه هو ال glottis

هيعدي علينا بعد كده عشر مرات ،، مش كل مرة هقوله

آخر مرة هقوله النهاردا ،،

ال glottis ده عبارة عن منطقة الأحبال الصوتية في بداية الحنجرة

تفاحة آدم دي جزء من الحنجرة (اسمها ال larynx)

أولها فيه اتنين vocal cords (أحبال صوتية) حبلين

منطقة الأحبال الصوتية ،، بداية الحنجرة اسمها glottis

وبيبقا شكلهم كده ،، الحتة دي مقفولة من هنا كده

والحتة دي مقفولة من هنا

وما بينهم فيه مسافة ،، الهواء بيدخل ويخرج من خلالها

بصوا على أيديا ،، أدي يا عم الأتنين vocal cords أهما في بداية الحنجرة

الهواء بيخس ويخرج ما بينهم

لو الحبلين الصوتين بعاد عن بعض

يسموا دي open glottis

لو الحبلين قربوا من بعض في النص ،، طبعاً لا عاد فيه هواء هيخس ولا هيخرج ،، يسموا دي closed glottis

أنا عايز ناس بتفكر ،

لما يقولك closed glottis والأحبال قربوا من بعض

معرفش الهواء لا يخش ولا يطلع ،

كدا حجم الرئة يا أولاد فيه فرصة إنه يزيد ؟؟؟

لا

فالخواجة Valsalva وصفلك وضع معين عشان الضغط ما بين طبقتين ال pleura يكون positive

يقولك ال glottis مقفول ،

السكة مقفولة ، مفيش هواء لا يخش ولا يطلع

يعني حجم ال lung ثابت

تخيل ال Lung لا هتكبر ولا هتصغر

إنت قفلتها ، قفلت ال glottis بتاعها

الشخص ده بدأ يعمل forced expiration

صدره عمال يصغر في ال expiration

تخيل الرئة ثابتة في حجمها وعمال تقرب منها القفص الصدري جامد

أي سطحين يقربوا من بعض بيعملوا ما بينهم positive pressure

ما هو دا اللي Valsalva بيحكيه

إن الضغط positive

وعندك في الورق هتلاقي مكتوب عندك إن ال Valsalva بتوصل لزائد خمسين (+ 50)

الطالب مش فاهم ،

وال Valsalva ده بنعمله إيه ؟؟؟

كل يوم كلنا بنعمل Valsalva

ياااااااه ؟؟؟!!!!

الضغط جوانا بيبقا positive جوا الصدر

يقولك : ال Valsalva دا بيحصل أثناء ال micturation (التبول) ، ال defecation (التبرز)

قيء (vomiting) ، وفي السيدات أثناء الولادة (labour)

أنا هقول كلمة واحدة تجمع دول ،

كلمة بايخة معلى ، اتقبلها مني ، ممكن تفتكرها في الإمتحان

يبقا ال Valsalva بتاع الحزق من الآخر

عشان تعرف تجيبها

ثانية واحدة ،

دا يفسرلنا بقا ، قصة مهمة

مش إحنا قولنا الضغط ال negative جوا الصدر بيساعد ال VR (venous return) وال lymph return لما يبقى الضغط positive جوا الصدر ،، دا يعاكس إن الدم يرجع للقلب وكذلك يعاكس رجوع ال lymph دا يفسر حاجة مهمة أوووي

تسمع دايماً إن واحد عجوز وقع في الحمام ،، ودا اتكسر في الحمام ،، ودا اغمى عليه في الحمام إنت تحس إن الجماعة العواجيز حياتهم كلها في الحمام بقا كل الإصابات في الحمام

يعني تسمع إن ده وقع في الحمام ودا رجله اتكسرت في الحمام ،، ودا اتزحلق في البانيو جوا الحمام

إيه حكاية الحمام ده بقا ؟؟؟

هفهمك ليه ،، الشخص العجوز من دول عنده بروتاتا بقا مش قادر ينزل البول فبضطر يحرق جامد (Valsalva يعني)

حتى الي معندوش بروتاتا عضلات بطنه ضعيفة وهو مع التبرز كده بضطر يحرق جامد يحرق جامد (ما هي دي ال Valsalva) ال Glottis مقفول ،، ال chest عمال يصغر ،، ضغط Positive في صدره

هل فيه دم كويس بيرجع لقلبهم ؟؟؟
الضغط positive

هل فيه venous return كويس ؟؟؟

لا ،، ما دام مفيش دم كويس راجع للقلب ،، يبقى مفيش دم خارج من القلب كويس مفيش دم رايع للمخ كويس يروح طاب في الأرض قصا

هما بيتكسفوا بقا ،، يقولك : اتزحلق في البانيو يعني كل الناس بيعلبوا في البانيو !!! أدي يا عم فكرة ال Valsalva

على فكرة هتلاقي مكتوب عندكم واحد ألماني إسمه مولر زي Valsalva

قالك : ال glottis مقفول ،،

رد عليا : **حجم الرئة أخباره إيه دلوقتي ؟؟؟**
ثابت ،،

ونعمل deep inspiration يوسع الصدر أوووي

تخيل الرئة في مكانها والقفص الصدري يبعد عنها أوووي
أي سطحين يبعدوا عن بعض يعملوا negative pressure
مكتوب عندكم إن ال negative بيوصل من سالب ثلاثين إلى سالب أربعين
بعكس Valsalva

الحالة الثانية ،،

ال Pneumothorax

يعني إيه Pneumo ???

هواء

حد فاك ما بين طبقتين ال pleura فيه إيه normally ???

fluid

هتيجي في الإمتحان ،، أوعى حد يتلخبط

اللي ما بين طبقتين البلورا في ال Normal < fluid

لو دخل هوا

إنت كده لغيت الضغط ال Negative

اسمها pneumo thorax

أنا عايز ناس سُطار

تفتكر لو دخل هوا ،، ودا مرض ،، مش طبيعي

هحكيك بيحصل إمتى ،،

لو دخل هوا ما بين طبقتين ال Pleura

معدش الضغط Negative

كل واحد يأخذ راحته ،، معدش بقا الضغط Negative اللي بيعاكس كل واحد فيهم ،،

ال Lung تأخذ راحتها ،، وال chest wall يأخذ راحته

ال lung هتأخذ راحتها ،، ويوصل حجمها أد إيه ???

واحد لتر ،،

وال chest wall كام ???

خمسة لتر

طيب اكتب في كتابك لو سمحت

ال Pneumo thorax طلع منه سهمين :

البنّي آدم اللي يحصله Pneumo thorax ،، ال lung تنطبق ،،

اسمها إيه ???

lung collapse

وال chest يتفرد ،، اسمها إيه ??? chest expansion

إمتى بقا يا عم الضغط أو الهواء يخش ما بين طبقتين ال pleura ؟؟؟

الكتاب قالك : ال types

- ال external الي هي Open
- ال internal الي هي closed

واحد دخل خناقة خدله سكينه في صدره ،،

أدي الخرم ،، في صدره ،، راح مدخله هواء

ما بين طبقتين ال Pleura

النوع ده من ال pneumo thorax نقول عنه external

لأن الهواء جالنا من بره ،،

ولما أجي أفحص العيان في المستشفى أشوف الخرم أدام عينا بتاع السكينه

يبقا Open

يبقا النوع ال external هو ال open

الهواء جالك من برا

وإنت شايف الخرم بتاع السكينه

أومال إيه النوع الثاني ؟؟؟ فيه إحتمال ثاني ؟؟؟ الهواء يدخل جوا ال pleura !!!

أه ،،

واحد عمال يكح يكح يكح ،،

كح مرة كحة جامدة ،، تقوم واحدة من ال alveoli فرقت

(alveoli من جوا)

الهواء الي فيها راح داخل ما بين طبقتين ال Pleura

يبقا الهواء هنا جه جوا ال pleura من جوا (internal)

تفتكر لما أجي أفحص العيان ده من بره كده وأتفرج عليه ،،

شايف أي حاجة في ال chest من بره ؟؟؟

مقفول ،،

يبقا closed

عشان كده يا أولاد الي ياخدله سكينه في ناحية من صدره

إنت عندك left و right

واحد خدله سكينه على ناحية

دخل هواء ما بين طبقتين ال Pleura

إنتوا بتقولوا علطول ال lung يحصلها إيه ؟؟؟

collapse

وال chest wall ؟؟؟

expand

يبقا الناحية المضروبة دي العيان مش شغال بيها

يبقا العيان بيتنفس برئة واحدة دلوقتي ،،

طبعاً بقا لو واحد سعيد الحظ ،،
خدله مطوتين (ضربتين) واحدة هنا وواحدة هنا
دا مات ☺
الرئة اتطبقت على الناحيتين

مكتوبة عندك آخر حاجة في الورقة
إيه عيوب إن الضغط يبقا Positive ???
فقدت كل مزايا الضغط ال negative
الرئة اتطبقت ،، معدش فيه دم راجع للقلب كويس ولا ال lymph

تم بحمد الله الإنتهاء من تفريغ المحاضرة الأولى في شابتز ال Respiration
اليوم الأربعاء الساعة 5 و 25 دقيقة صباحاً بعد أذان الفجر
الموافق 20 فبراير 2013
ربنا ييسر ونكمل إن شاء الله
لمزيد من المواد المفرة
على الفيس بوك
صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله
إذا عجبك أي شيء متفرغ تابع لصفحة أو جروب
تفريغ المواد الطبية
وحببت حضرتك تنقله اتفضل
بذكر المصدر أو بدون
المهم إن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام
ويكون سبب في علاج مريض باختلاف اسمه أو جنسه أو دينه
اللهم اجعل عملنا خالصاً لوجهك الكريم
اللهم آمين
سلام بقا ☺